

Eise Chef:

Den Tim Kleren (Joërgang 1982), ass ee Perkussionist, Batteur, Musikschargé, Dirigent an Komponist vu Beyren (Lëtzebuerg).

Ausbildung zu Lëtzebuerg:

Seng musikalësch Ausbildung konnt hien an der Péitenger Musiksschoul, am Escher Conservatoire an spéiderhin och am Staater Conservatoire genéissen. Proffen ewéi: Paul Mootz, Serge Kettenmeyer, Alain Ginter, Carlo Jans oder Marco Pütz, a.v.m.... hun hien op sengem Wee begleet.

Ausbildung an der Hogeschool Zuyd zu Maastricht:

Niewt senger Instrumentalbildung och zu Maastricht, (matt de Proffen Werner Otten an Peter Janssen, Ron van Statum), an den obligatorësch Niewefächer (ënnert aanerem mamm: Jan Ezendam, Rik Bastiaens an Här Hendrix a.v.m...), huet hien sech och dunn fir Orchesterdirektioun op der Héichschoul beim renoméierten Prof. Jan Cober weiderbilde gelooss.

Hien konnt 2014 säin Bachelor respektiv 2016 säin Master-Diplom an der Harmonie-Fanfare-Brassband Direktioun (Hafabra-directie) matt bravur oofschléissen.

Während dëser Studienzäit, haat hien och d'Chance, en Abléck, an den zäitgenëssëche Kompositiounskuer beim renoméierten Komponist an Professor Robert HP. Platz, ze kréien, deen him och d Méiglechkeet gin huet, mam "Ensemble 88" vu Maastricht zesummenzeschaffen.

Chargé de cours an der Perkussioun/Battri:

Och daat weidergin, waat een geléiert huet, ass him wichtëg, an dofir huet hien nierwt sengem Studium an sengem Haaptberuf als Militärmusiker, zënter 2001 bis 2007 zu Péiténg, an gëtt och zënter 2007 bis haut an der UGDA- Musikschoul, Kueren an der Battri an der Perkussioun.

Komponist:

Nodeems hien 2006 Chef vu sengem 1. Orchester gouf, an fir een Concert nët daat richtëgt Ouverture's Wierk fir déi Besetzung fonnt haat, huet hien säin 1. Wierk fir Orchester geschriwwen. Zënterhir schafft hien matt Bronsheimmusic, Starmusicpublishing an sengem eegenen Verlag TimKlerenMusic zesummen. Saitdeems sin méi ewéi 40 Wierker fir Ensemble, Fanfare, Brass Band an Bloosorchester enstaan.

Ënnert aanerem gin seng Wierker och professionell, zu Lët (Militärmusik a.v.m.), an der Belsch (Force Aérienne), Holland (EUYWO, Fanfare de Hoop-Stellendam), Däitschland (Blasorchester Eifel-Ardennen), Portugal (Banda Musical São Martinho-Valongo), Singapur (Air Force Band) an elo och zu Tokyo (Air Force Band) gespillt.

Orchesterdirektioun zu Lëtzebuerg an Ausland:

Zënter 2006 bis haut, ass hien ganz aktiv an der Orchesterdirektioun zu Lëtzebuerg. Erfahrung konnt hien ënnert aanerem, bei der Société Philharmonique Larochette, Greiveldénger Musik, Ouljer Musik (interim), Berdorfer Musik (interim), Foulschter Musik (2012-2019), Musek Concordia Rosport + Noutefrupsteren (2010-haut)

sammelen an säit dem September 2019, dirigéiert den Tim mat vill Passioun a Leidenschaft eis Menster Musek an hiren Jugendensembel "Blue Notes".
Och am Ausland ass hien als Gaaschtdirigent (resp. Komponist) aktiv.

Ënnert aanerem säit 2016 beim EVEA- Orchester an 2019 Gaaschtdirigent bei der "Banda Musical São Martinho" vu Valongo - Portugal.